

**SEVENTH LEGISLATIVE ASSEMBLY OF MIZORAM  
( FIRST SESSION )**

**LIST OF BUSINESS**

FOR FIRST SITTING ON MONDAY, THE 16<sup>th</sup> DECEMBER, 2013  
( Time 10:30 A.M. to 1:00 P.M. and 2:00 P.M. to 4:00 P.M. )

**OATH/AFFIRMATION**

1. Members to take/subscribe Oath/Affirmation.

**ELECTION OF SPEAKER**

2. Members to elect Speaker.

NGURTHANZUALA  
Secretary

....

**Pu R. LALRINAWMA, PROTEM SPEAKER** : Rorelna dik chu lui angin luang sela, felna chu luipui kang ngailo angin luang rawh se.

Amosa : 5 : 24

Vawiinah Mizoram Legislative Assembly 7-na Session hmasa berah Member-te kan kim thei a, a hmasa berin lawmthu ka sawi a ni. Vawiinah hian thil chi hnih tih tur kan nei a, pakhat chu Oath lak a ni a, chumi zawhah Speaker thlanna kan nei ang. A hmasa berin thutiam nei turin Chief Minister, kan House Leader kan sawm ang a. Serchhip leh Hrangturzo bial aiawhin oath a la hmasa ber ang a, Constituency indawt angin kan koh chhunzawm zel dawn nia. Oath form hi ka hnenah a awm a in rawn la zel dawn nia. Oath lakna formah hian 'swear in the name of God' tih leh 'solemnly affirm' tih a ni a, duh zawk zawk hmangin Member-ten thutiam kan la anga. Ka dinglam atanga lo kalin thutiam in lak zawhah ka veilamah hian in chhuak anga. Thutiam kan lak zawhah Roll of Member hi Secretary dawhkanah sign nghal tur a ni. Kan Secretary kan sawm anga, kan Secretary-in a koh ang zelin in lo kal anga.

**SECRETARY** : Pu Lal Thanhawla, Serchhip Constituency No 26 leh Hrangturzo Constituency No.28 aiawhin oath la turin ka sawm e.

- (2) Pu Lalrinmawia Ralte
- (3) Pu Lalrobiaka
- (4) Pu John Rotluangliana
- (5) Pu Hmingdailova Khiangte
- (6) Pu P.C. Zoram Sangliana
- (7) Pu K. Lalrinthanga
- (8) Pu R.L. Pianmawia
- (9) Dr. Ngurdingliana
- (10) Pu R. Lalzirliana
- (11) Pu R. Romawia

- (12) Pu Lalthanliana
- (13) Pu Lal Thanzara
- (14) Pu R. Lalrinawma
- (15) Pu Lalsawta
- (16) Pu K. Sangthuama
- (17) Pu Lalruatkima
- (18) Pu Vanlalzawma
- (19) Pu R. Vanlalvena
- (20) Lt. Col. Z.S. Zuala
- (21) Pu K.S. Thanga
- (22) Pu H. Rohluna
- (23) Pu Lalrinliana Sailo
- (24) Pu T.T. Zothansanga
- (25) Pu J.H. Rothuama
- (26) Pu T. Sangkunga
- (27) Er. Lalrinawma
- (28) Pu John Siamkunga
- (29) Pu P.C. Lalthanliana
- (30) Pu Joseph Lahimpuaia
- (31) Pu Chalrosanga Ralte
- (32) Pu S. Laldingliana
- (33) Pu Zodintluanga
- (34) Pu N.K. Chakma
- (35) Pu B.D. Chakma
- (36) Pu C. Ngunlianchungu
- (37) Pu H. Zothangliana
- (38) Dr. K. Beichhua
- (39) Pu Hiphei

**Pu R. LALRINAWMA, PROTEM SPEAKER** : Kan business dangah kan kal anga. Hemi chungchanga Governor order kan Secretary-in han chhiar chhuak sela.

**SECRETARY** : Governor Order “Dated 12<sup>th</sup> December, 2013, In exercise of the powers conferred by sub rule (1) of rules 7 of the Rules of Proceedure and Conduct of Business in Mizoram Legislative Assembly, I, Vakkom Purushothaman, Governor of the State of Mizoram, hereby fix 16<sup>th</sup> December, 2013 (Monday) as the date for holding the elections to the office of the Speaker of the State of Mizoram Legislative Assembly.

**Vakkom Purushothaman**  
Governor of Mizoram”.

**Pu R. LALRINAWMA, PROTEM SPEAKER** : Awle, kan Governor Order kan ngaithla ta a. Speaker thlang tur kan ni a, Nomination pakhat chauh kan dawng a, chu Nomination chu Lt. Col. Z.S. Zuala’n Pu Hiphei-a a rawn propose a, Pu R.L. Pianmawia’n a second bawk a. He Nomination paper hi dan ang thlapa tih a niin, a felfai hle a ni. Nomination dang kan dawn loh avangin Pu Hiphei-a chu chuhtu awm lovin he House zahawm tak Speaker atan thlan tlin a ni tih ka puang e.

Awle, kan Speaker thlan thar hi kan House Leader zahawm tak leh Opposition Group Leader-ten a thutna atangin rawn hruai chho sela.

**SPEAKER** : Leader of the House Pu Lal Thanhawla leh elected member-te, Opposition Group Leader Pu Vanlalzawma leh Mizoram mipuiten duh taka an thlan tlin, he House Member zahawm tak tak te, vawiinah hian Pathianin Pu Lal Thanhawla leh a hote leh helai member zahawm tak thlan tlin te hmangin he House-ah hian Speaker ni turin min han dahlut leh hi a ropui ka tiin, a lawmawm ka

ti takzet a ni. 1972-ah Dy Speaker ni turin May ni 12-ah he House-ah hian thlan tlin ka lo ni tawh a. Ni 30<sup>th</sup> January, 1989 ah Speaker ni turin he House-ah hian thlan tlin ka lo ni leh tawh bawk a. He ka damchhung hun chawhnu lampang tawhah vawiinah hian kan hotute duhsaknain he House zahawm tak Speaker ni leh tura thlan tlin ka ni hi ka lawm em em a ni. Ka ngaihtuah a, ka nu leh ka paten he ni hi min hmuhpui ve sela, tih ka chak hle. An hmu thei tawh lova, ka nupui lehzel zaipui a tawh avangin mi rawn witness thei lova, a pawu ka ti hle a. Ka fanu te pahnih leh ka makpa leh ka tu ten vawiinah hian min rawn witness a, ropui ka tiin lawmawm ka ti takzet a ni. Ka ngaihtuah a, vawi ruk ka bial tawhna Tuipang Bial Constituency number pakhatna lo ni tawh thin kha eng karah khan nge number sawmlinaah a lo tlak thlak tak pawh ka ngaihtuah a, a lunglenthlak hlein ka hria a.

Kan hriat angin he kan House, rorelna In hi khawvel mite mithmuhah ropuiin mawi em emin lang lo mahsela, a chhung atang hian a mawina leh a ropuina a chhuak a ni. India ram State zawng zawnga Rorelna In aiin he In hi a ropuiin a zahawm zawk a ni. Kan zavaia kan hriat tawh kha, hei hi kan Kristian-na tilang Chiangtu pakht a ni a, a ropui em em a ni. Chumi piah lama kan Kristian-na tilang Chiang leh tu chu inthlanna fel fai taka kan nei thin hi a ni a. Heng thil pahnih hi India ram mipui dangten neih an chak em em a, an neih zawh loh thil anih avangin a ropui ka ti a, chumi rorelna nuam leh hlimawm tak, fel tak, ropui tak, a chhungrila mawi em emah chuan inkhawmna ka kaihrui dawn a ni a, ropui ka ti a, lawmawm ka ti takzet a.

Kan hriat angin huanah chuan thlai chin tha tak takte awm mahse a hungna pal a that loh chuan, a him lo ang bawk hian he Mizoram leh hnam himna hi Pathian leh he House chhungah hian a awm a ni. Dan kan neih that a ngai dawn a, Pathianin leilung hausakna a phumruk zawng zawngte kan venhim a ngai dawn a, chumi ti tur chuan dan kan neih that a pawimawh dawn a, chungte chu kan han kalpui chho dawn a ni a, a ropui ka ti a, a lawmawm ka ti takzet a ni.

Vawiinah hian he House lo zahawm tawh, khawvel mite mithmuhah ropui lo mahse, a zahawmna leh a ropuina hi, a ruk hian a inphumru tlat a ni tih hi hre thar leh ila, hemi a ropuina leh a zahawmna hi chhonzawm tlak a ni em em a, Pathian tanpuinain kan chhonzawm anga. He ram leilung, Pathianin a thlawna keini leh kan thlah lo la awm zel turte chenna atana min pek hi humhalh, venhim, ti hmasawn turin tan kan lak dawn avangin ropui ka ti em em a ni.

Vawiinah hian a ropui lehzualna, ka lawm ve em emna chhan chu, chuhtu awm lova min han thlang tling hi a ni. Opposition te, member zawng zawng te, an hotupa ber leh ruling ho, an hotupa ber House Leader Pu Lal Thanhawla leh a thuihruai te, in zavaia chungah hian ka lawm em em a, dam tea kan awm chuan ka la lawm zel dawn a ni tih he House zahawm tak hi ka hrih duh a ni. Ka lawm e.

Tunah chuan thusawi tur dang in awm chuan hun ka hawng ang.

**Pu LAL THANHAWLA, CHIEF MINISTER** : Pu Speaker, vawiinah chuhtu awm lova he House kaihrui leh tura thlan tlina i awm hi a lawmawm ka ti a, ka lawmpuina leh duhsakna ka hlan nghal che a ni. Hun kal tawhah khan min ho tawh thin a, min ho naah he House hi discipline tak leh orderly takin a kal thin a, chutiang bawkin tun tumah pawh hian hemi House zahawmna hi vawng him turin theihpatawp i chhuah ang tih ka ring a. Tin, kei leh ka thawhpuite hi chuan House zahawmna vawng him tura tan i laknaah theihpatawpin kan thlawp che a ni tih kan hriattir duh che a. Tin, hun kal tawhah zahawm takin i lo kaihrui tawh thin a, tunah pawh hian zahawm takin i kaihrui leh ang tih ka ring a. Tin, kei leh ka hote chuan he House hi tuna i sawi ang khan khawvela House zahawm ber pawl a niin a rinawm a, mi thenkhatin an comment-naah chuan, “Headmaster tha takin school naupangte tha taka enkawla, zahawm taka an kal thin ang hi Mizoram Assembly chu a ni”, an ti thin a. Session-ah pawh chutiang chuan orderly deuhin kan kal thin a, tin, Speaker zahna hi kan member-ten an nei lian hle thin a, House dang chu kan han hmu a,

entawn tlak an awm miah lo a ni. Kan Parliament ngei ngei pawh member zahawm tak takte leh mi lian tak tak leh mi fing tak taka kan ngaih ten hnathawk theilovin an siam an siam a. Vawikhat hnathawk theiloa an siam ringawt pawhin he ram pumpui hian public money vaibelchhe tel a hloh tih hre reng pawhin tiang hian an disrupt thin a. Keiniah erawh chuan chutiang chu a awm lo te hi Pathian kaihhraina duhawm tak kan dawnna a ni a. Chuvangin nangpawh Pathianin kaihrui che sela, finna pe che sela, tin, he House hi zahawm tak leh duhawm taka kaihrui turin theihna, finna a pe zel ang che tih ka ring tlat a, kei leh ka thawhpui, kan hotute chuan he House zahawm taka a kal theihna turin theihpatawpin kan thlawp che a, duhsakna kan hlan che a, Pathianin kaihrui che sela kan duhsak che a ni tih ka han hriattir che a ni. Ka lawm e.

\*Speech not corrected.

**SPEAKER** : Pu Vanlalzawma.

**Pu VANALALZAWMA** : Pu Speaker, vawiinah hian chuhtu awm lova Speaker-a thlan tlin i ni hi ka lawmpui che a. Tin, nangmah rawn candidate-tu che, rawn propose-tu che kan Ruling Party lam te pawh an ti tha ka ti a. Experience nei tha berte zing ami i niin ka ring a, zofate zingah hian, District Council atangin Mizoram Assembly House-ah, India ram rorelna sang ber Parliament House-ah pawh kum sawmpahnih chuang rorelin i lo awm tawh a, chung a i experience hlu tak tak te chu vawiin a lo kal khawm te hian kan neih veloh leh kan hriat veloh kha nang chuan i lo pal tlang tawh a. Chuvang chuan he House kaihrui tur hian i tling tawkin ka hria a. Tin, i lakah a bik takin keini Opposition Group lam te pawn beiseina sang tak kan nei a ni tih ka sawi duh a.

Nikum March ni 22 zan khan Chapuiah ka riak a, tah chuan ka rilru a kalthui khawp mai a. Chapui atanga India Parliament hlat zia te ka ngaihtuah a, India Parliament atanga Chapui kil khawr zia te pawh ka ngaihtuahnaah a lo lut a. Ka rilrua

lo awm pakhat chu Abraham Lincoln chungchang an sawi thin a, Log Cabin to White House tih ang deuh khan Chapui atanga India Parliament rorelna sang bera i thu tih te ka ngaihtuah hian a ropui ka ti a, chutiang mi experience tha tak, a lehlamah chuan Mizoramah chauh pawh ni lo, Mizoramah pawh in huat thu suhah, kilkhawr ber atanga lo kal i nih dan te kan hriatin a ropui ka ti hle a. Chutih lai chuan a hniam ber atanga a sang ber te dinhmun hretute zinga mi i ni dawn tih a hriat a, i seilenna leh i pian leh murna atanga han enin ropui ka ti hle a chutih rual chuan i lakah beiseina sang tak keini Opposition Group-ten kan nei tih kha ka'n sawi leh duh a. Tichuan hei kan zingah i hriat angin member thar te te vek kan ni a, a hminga Group Leader ber pawh he House-ah hian ka vawikhat telna tur a ni a, chungah chuan i mi kaihhruaina kan ngai a, tin i mi hriatthiamna pawh kan beisei a, thil kan hriat tawk loh leh tih awmlah kan lo tih palhah te pawh nangin min fin chhuah a, dan anga rel mai lova min fin chhuah zawk turin kan sawm duh che a. A bik takin kan tlem deuh avang hian hunte pawh tha deuh te min pe turah kan ngai a, chu chu he sorkar kal zel atan hian ni thoin ka hria a, chutih lai chuan nichinah House Leader sawi zawk ang khan, he House hi a zahawm ka ti hle a, a ropui ka ti a, ka tehkhin danah chuan nilai zan inkhawm hi ang tein ka han hria a. Kan tlem deuh nachung hian a fimtha, awmzia hi a nei hle hian ka hria a, chutiang chu vawn nun chhoh zel te thain ka hre khawp a.

India rorelna hmun dangte kan hriat angin an tehkhin pakhat chuan a then khu kan Parliament House te ngei pawh khu a chang hi chuan lem channa hi a tam hian alang a, chungte pawh chu helaiah hian a awm ngailovin ka hria a, awm lo zui sela, a tak lai leh he ram tan leh he hnam tana rorelna anih tawh thin anga anih chhoh zel theihna turin i mawhphurhna a pawimawh rualin duhsakna kan hlan che a, chutih rual chuan keini Opposition Group lamte pawn theihtawpin kan thawhpui chein kan cooperate ang che tih ka sawi duh a ni. Ka lawm e.

**SPEAKER** : Awle, sawi tur dang kan awm tawhlo a ni ang e. Vawiin business chu kan zo tawh a, kan chawl tawh anga, naktuk ni 17.12.2013 Thawhlejni



zing dar 10 : 30 ah hian Governor-in he House zahawm tak hi a address dawn a, kim taka chumi hunah chuan kal vek tur a ni tih House hi ka hriattir a, dar 10:30-ah hetah kan kalkhawm leh dawn nia. Chumi hma zawng he House hi adjourn a ni e.